

# Nā Hana Ho'opulapula ma Maui

Ua Pau Pono ka Mahele 1

Nowemapa 30, 2023



***Pu'upā akula 'o Maui i ke ao nei. He nani ka pana'i hou aku.***

*Ua ho'okuleana akula ka Federal Emergency Management Agency i ka EPA e ana, wehe, a kiloi i nā makelia 'ino mai nā kahua waiwai i pō'ino i ke ahi loloku ma Maui. Ua kapa 'ia kēia mahele 'o ka Mahele 1.*

Ua ho'okō pono ka EPA i kona kuleana 'o ka Mahele 1. He holomua kēia i ka wehe 'ana i nā makelia pō'ino a me ka ho'opulapula hou 'ana i nā kaiāulu 'o Lahaina a me Kula.

**Mahele 1 – Hemo ka makelia 'ino i ka EPA**

**Mahele 2 – Hemo ka 'ōpala i ka Army Corps**

Ua ho'okō ka EPA a me kona mau ho'olimalima, he mau kama'āina ka hapa nui, me ke kōkua mai ka U.S. Coast Guard, a ma lalo o ke alaka'i a ke Kalana 'o Maui a me ka 'Oihana Olakino 'o Hawai'i i nā mea ma lalo:

1. 'O ke ana, wehe, a kiloi 'ana i nā makelia 'ino ma ka papa honua mai nā kahua pō'ino.

Ua wehe pono mai ka EPA i nā makelia 'ino mai nā home he 1,374 a mai nā kahua 'oihana, he 74. 'O nā mea 'ino i loa'a ma ka Mahele 1, ua wae pono 'ia a 'ope'ope pū 'ia ma ke kahua EPA. Ua piha mai he 13 mau hōkelo ho'ouna moku i ia mau mea a ua ho'ouna 'ia aku nō ma ka moku no ke kiloi palekana 'ana.

Ua ho'opane'e ka EPA i 73 mau home a i 100 mau kahua 'oihana a na ka Army Corps of Engineers e wehe i ka makelia 'ino mamuli o ka hiki 'ole ke komo i ke kūlana hemahema o ia mau wahi. No ia mau wahi, e ho'olālā ka 'ona home me ke Kalana 'o Maui a me ka Army Corps no ke komo 'ana ma ko lākou wahi ke pau ke kūlana palekana 'ole o ko lākou wahi a hemo pono mai nā makelia 'ino.



2. 'O ka wehe a kiloi 'ana i ka pakalē likiūma a me ka iho uila mai nā paia, a mai nā ka'a uila a uila hapa i pō'ino i nā ahi loloku o Maui.

Ua hemo i ka EPA he 94 mau ka'a uila a ka'a uila hapa, a he 274 mau iho kau paia hale. Ua akamai ka EPA ma ke ho'ohemo 'ana i ka ikehu mai nā pakalē i hiki ke ho'ouna palekana 'ia ma nā moku. He 'elua hōkelo ho'ouna moku i piha i nā pakalē he 30 kana ke kaumaha. Ua ho'ouna 'ia ma kahi 'ē no ka ho'opō'aiapuni palekana 'ana.



3. 'O ke kīkī mua 'ana a me ke kīkī hou 'ana i ka uhina ho'opa'a lepo ma nā kahua hale i pō'ino.

E kīkī ana ka EPA i ka Soiltac® e ho'opalekana i ke olakino o ka po'e a me ke ao kūlohelohe i nā mea 'ino i loko o ka pa'u ahi. Kīkī hou 'ia ka Soiltac® ma luna o nā wahi i hehi a wāwahi 'ia paha. E hemo ka Soiltac® a me ka 'ōpala i ka Army Corps ma ka Mahele 2.

He uhina kuapapa wai ka Soiltac® a he ho'opili i ka lehu ahi i ka 'ōpala. He mea pāpa'a a'ia'i a 'a'alo wai ma ka 'ili 'ōpala i 'ole ka makelia 'ino e ne'ene'e aku, ne'ene'e mai.



I loko na'e o ka wehe 'ana o ka nui o ka makelia 'ino, 'oia mau nō paha kekahi. Inā e kipa hou ana i kou wahi, e komo me ke akahēle a me ka maka'ala. E 'e'e ma kēia pā'ālua QR e nānā ai i kahi wikiō no ke kipa a komo hou 'ana i kou wahi.



*Ka Papahana Mo'omeheu Hawai'i:*

I mālama pono a make'e 'ia mai nā wahi pana ko'iko'i a kaulana o Maui, ua ho'okumu mai ka EPA i ka papahana monita mo'omeheu Hawai'i. Ma ia mahele hana, ua hai 'ia he 20 a 'oi mau kānaka i monita e ho'oponopono a alaka'i i ka hana, ua mālama mau 'ia he papa a'oa'o mo'omeheu Hawai'i i nā pule a pau no nā limahana o ka EPA, kona mau ho'olimalima, a me ko ka U.S. Coast Guard mau limahana kekahi, a ua kūkākūkā pololei 'ia nā kānaka nui, he mau po'o o ke kaiāulu, no ka hana pono e hana aku ai. I kēlā lā, kēia lā, ma mua a ma hope o ka hana, ua mālama 'ia ka pō'ai pule no nā limahana a pau i komo i ka hana. Ua ko'iko'i lua 'ole ia mahele 'o ka papahana monita mo'omeheu Hawai'i no ka holopono 'ana o kēia hana Mahele 1 ma ke 'ano Hawai'i a 'oiai pēlā, e mau aku nō kēia papahana i ka Mahele 2.

Ua pau ka wehe a kiloi 'ana i ka makelia 'ino i ka EPA. E mau na'e ke kīkī 'ana i ka Soiltac® a me nā hana like 'ole 'ē aku. Ho'ohiki akula ka EPA e kōkua ma ka ho'opulapula pono 'ana i nā kaiāulu o Maui e la'a ka 'ōnaepuni wai a me nā hana 'ē aku e ho'opulapula paepae a'e ai.

*He mau nīnau a mana’o paha no ka Mahele 2? E ‘e’e a kelepona nō paha i ka Army Corps of Engineers ma:*

Kahuapa’a: <https://www.poh.usace.army.mil/Missions/Emergency-Response/Hawaii-Wildfires/>

Kelepona: 877-214-9117